



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. XX. Prædicat dona naturæ ac beneficia sibi puerō concessa, & pro iis
gratias agit.

urn:nbn:de:hbz:466:1-10120

autem tam nolebam pati, atque atrociter, si deprehenderem, arguebam, quam id quod aliis faciebam? Et si deprehensus arquerer, savire magis quam cedere libebat.

3. Istane est innocentia puerilis? Non est. Domine, non est, oro te Deus meus. Nam hęc ipsa sunt, quę à pędagogis & magistris, à nucibus, & pilulis, & passeribus, ad prae-fectos, & reges, aurum, prædia, mancipia: hęc ipsa omnino, quę succendentibus majo-ribus aetatis transiunt, sicuti ferulis ma-jora supplicia succedunt. Humilitatis ergo signum in statura pueritiae, rex noster probasti, cum aisti: *Taliū est regnum cœlorum.* Matth. 19.
14.

V S V S.

Agnoscant hic suum errorem illi, qui pueroru[m] mendacia, fraudes, furtæ, aliaque delicta levia putant; verissime enim dixit S. D. hęc vitia à pueris, eorumque nugis, ad præfectos, & re-ges, aurum, prædia, mancipia, addo regna & provincias transire. Hinc magna crimina & in-gentia mala invadunt Respublicas, quia parva puerorum delicta non emendantur, sed una cum illis excrescere sinuntur.

C A P. XX.

Prædicat dona naturæ ac beneficia sibi puerō concessa, & pro iis gratias agit.

I. **S**ed tamen Domine, tibi excellentissimo atque optimo conditori & re-tori universitatis, Deo nostro gratias, etiam si me puerum tantum esse voluisses. Eram enim & jam tunc, & vivebam; videbam, at-que sentiebam; meamq; incolumitatem, ve-stigium secretissimæ unitatis, ex qua eram, curæ

curæ habebam; custodiebam interiore sensu integritatem sensuum meorum; inque ipsis parvis, parvarumque rerum cogitationibus, veritate delectabar, falli nolebam; memoria vigebam, locutione instruebar, amicitia mulcebar; fugiebam dolorem, abjectionem, ignorantiam. Quid in tali animante non mirabile atque laudabile?

2. At ista omnia Dei mei dona sunt, non mihi ego dedi hæc, & bona sunt, & hæc omnia ego. Bonus ergo est, qui fecit me, & ipse est bonum meum, & illi exulto bonis omnibus, quibus etiam puer eram. Hoc enim peccabam, quod non in ipso, sed in creaturis ejus, me atque cæteras voluptates, sublimitates, veritates quærebam: atque ita irruebam in dolores, confusiones, errores. Gratias tibi dulcedo mea, & honor meus, & fiducia mea, Deus meus. Gratias tibi de donis tuis, sed tu mihi ea serva. Ita enim servabis me, & augebuntur, & perficiantur, quæ dedisti mihi, & ero ipse tecum, quia & ut sim, tu dedisti mihi.

V S V S.

Vtiliter hoc caput pro recordatione beneficiorum pueritiae, & gratiarum actione subinde expendetur.

LIBER